



Aqqalu C. Jerimiassen

UKA 2025/83-1

Atassut

08. Oktober 2025

Kalaallit Nunaat tamakkerlugu nunaqarfiit ineriartortinneqarnissaannut ukioq 2050-imut pilersaarummik kingusinnerpaamik UKA 2027-mut suliaqarnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Pilersaarummi sullissinernut tunngaviusunut, attaveqaasersuutinut, inuussutissarsiornikkut periarfissanut pitsaasunillu ineqarnissamut naligiimmik periarfissaqarnissaq qitiutinneqassapput.

(Inatsisartunut ilaasortaq Kuno Fencker, Naleraq)

Qularnanngitsumik tamatta partiuusugut isorliunerusortatta ineriartornissaat sulinitinnittaaq uummataqarfigisaqaarput, naak partiip ataasiinnaanerusup annerusumik tamanna qulequtaq pigerusuittaraluaara.

Nuna tamakkerlugu nunaqarfiit ineriartortinneqarnissaanut pilersaarummik peqarnissaq isuma saqqummiunneqarneratut Atassummiit siunertaa ajortussaqaartinngilarput, siunnersuummilu qulequttat nassuiarneqartut erseqqarittuusut oqarsinnaalluta.

Taamaattorli nuna tamakkerlugu pilersaarummik peqaraarnerani eqqarsarnarpoq, qalliinnarlugu ilumut pissusissamisoornersaq taamatut siunertaqassalluni.

Qulequttat ikkussuunneqarsimasut angujartuaarneqarsinnaanissaannut akerliussalluni peqqutissaqarfiuallaarpasinngilaq, nunanit allanit aningaasalersuisinnaanermut eqqaassanngikkaanni.

Atassumminngaanniilli sumiiffiit aaliangersimasut kisiisa ineriartortinnissaannut siunertaqarnissaq naalakkersuinikkut apeqquernartilaarparput tulluarpallaartuusorinagulu, uanili nuna tamakkerlugu inoqarfiit annerit minnerillu ineriartortinneqarnerannut pilersaarutit suliarineqarsimasut tamakkiisumik nutarsarneqarsinnaanissaat ullumikkumut naleqqussarlugit piukkunnarnerutillugu.

Piffissaavoq maannakkut nunarput tamakkerlugu isigissagipput!

Sumiiffinni inoqarfinni minnerniuppat annerniuppalluunniit qiviagassarput pingaarneq tassaajunnarsivoq; ila sumiuna suullu pingaarnerpaatut ineriartortitassaasummita.

Oqarutta assersuutitut, Qasigiannguani imeqarfimmik ajornartorsiuteqanngilluinnarput, illuanilli Ilulissani imeqarneq ukiut qaninnerusut isigalugit ulorianartorsiorsinnaalluni.

Taamaammat naalakkersuisut nuna tamakkerlugu pilersaarutaannut pioreersumut una siunnersuut qanoq ilillugu uiggiunneqarsinnaanersaq soqutiginaruutissinnaavarput Atassummiit.



Taamaattumiollu oqariiginnarsinnaalluta, siunnersuut itigartivikkunnaratigu, naak tamakkiisuimmik siunertaatigit apeqqusigassa qarfigilaaraluarlugu.

Uanilu naalakkersuisut nassuiaanerminni akissuteqaammi erseqqarissaanerattaaq paasisinnaalluaratsigu, inuussutissarsiutit ineriartortinneqarnissaannik ilaatigut erseqqissumik oqariartuuteqarmatattaaq, taanna tapersersornartillugu, Atassummiit taamatut oqaaseqaateqarluta, naalakkersuisut allannguutissatut siunnersuutaat taperserlutigu sanaartornermut ataatsimiitsitaliamut innersuupparput.